



Medlem af Inatsisartut, Sofia Geisler, Inuit Ataqtigiit

Sendt via e-mail til: inatsisartut@inatsisartut.gl

**§ 37 apeqquteqaatinut akissuteqaatit Isumaginninnermi
Naammagittaalliuteqartarfik pillugu**

Inatsisartut suleriaasiat § 37 naapertorlugu, Isumaginninnermi Naammagittaalliteqartarfik pillugu, aamma Isumaginninnermi Naammagittaalliteqartarfiup suliai pillugit, Naalakkersuisunut apeqqummik apeqquteqaateqarsimavutit. Apeqqutigisatit uannit akisassanngorlugit innersuussutaasimapput, ataanilu akissutikka takusinnaavatit.

30-07-2019
Sagsnr.: 2019-xxxxx

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

Apeqqu 1:

Suliat suli naammassineqanngitsut innuttaasunit utaqqineqartut qassit Isumaginninnermi Maalaaruteqarnermi Aalajangiisartunit ullumikkut suli aalajangiiffigineqanngillat?

Akissut:

Isumaginninnermi Naammagittaalliuteqartarfiup Allatseqarfiata ilisimatitsissutigivaa, suliat ingerlanneqartut 704-t Isumaginninnermi Naammagittaalliuteqartarfimmi suliarineqartut. Taakkunani Isumaginninnermi Naammagittaalliuteqartarfimmi 147-t aalajangiinerit suliarineqareernikut, nutserneqarnissaat utaqqineqartut.

Apeqqu 2:

2. Oktober 2017-imi Inatsisartunit akuerineqarpoq allannguutissatut siunnersuut Isumaginninnermi Naammagittaalliuteqartarfiup sulianik ingerlatsinerata naammassiuminarsargaanerani imalik innuttaasunit nassiunneqartut maalaarutit sukkanerumik suliarineqartarnissaannik qulakkeerinnittusaaq.

- Isumaginninnermi Maalaaruteqarnermi Aalajangiisartunut nassiunneqartut naammagittaalliutit isummerfigineqartarnera 2017-imut sanilliullugu ullumi sukkanerulerpa?

- Taamaassimappat tamanna qanoq takussutissaqarpa?

Akissut:

Isumaginninnermi Naammagittaalliuteqartarfiup Allatseqarfiata ilisimatitsissutigivaa, Isumaginninnermi Naammagittaalliuteqartarfik 2017-imi

434-t suliakkiissutit suliarisimagaat. 2018-imi 587-it suliarineqarsimapput. Suliani aalajangerneqarnikut naammassisat taamaalillutik 2017-imiik 2018-imut 35%-imik siuariarsimapput.

Ullut agguaqatigiisillugit suliap pilersinneraniit aamma suliap inaarnerani, suliaq qanoq sivilutiginersumik suliarineqarsimanersoq, kisillugit, uppersarnerqartarpoq.

Suliaq naammassisutut isigineqartarpoq, naammagittaalliortumut aalajangiinnermik oqaatsimi paasisinnaasaanik, naammagittaalliornermi oqaatsit atorsimasat naapertorlugit nassitsigaanni.

Apeqqu 3:

Innuttaasut naammagittaalliutaannik suliarinnittarneq sukkanerusumik pisarnissaanik siunertaqarneq pisimanngikkappat;

- Tamanna sumik patsiseqarpa?

- Tamanna qanoq iliuuseqarfigissallugu Naalakkersuisut qanoq pilersaaruteqarpat?

Akissut:

Isumaginninnermi Naammagittaalliteqartarfik Allatseqarfiata ilisimatitsissutigaa, Isumaginninnermi Naammagittaalliteqartarfiup suliakkiissutit suliarineqartarnerat naammassiuminarnerulersimasut.

Ukiup ataatsip ingerlanerinnaani aalajangiisarnerit 35%-inik qaffassimapput. Taamaakkaluortoq naammagittaalliutit amerleriarnerisa kingunerisimavaa, suliani sullarinnerulernerup aalajangiisarnerit amerleriartissimagaat.

Naalakkersuisut suli Isumaginninnermi Naammagittaalliteqartarfimmi suliat suliarineqartarnerisa sivilkillinerulernissaat alaatsinaappaat. Isumaginninnermi Naammagittaalliteqartarfiup Allatseqarfiata, Atuisartoqarnermut Unammilleqatiginermullu Aqutsisoqarfiup, suli suliat ingerlaartarnerisa pitsaanerulernissaat sulissutiguarpat. 2019-imi Aqutsisoqarfiup aalajangiinerit nutserneqartarneri ukkatiginerusimavaat.

Inussiarnersumik inuulluaqqusillunga



Jess Svane